

“ЎЗБЕКИНВЕСТ” ЭИСК”АЖ **“ЎЗБЕКИНВЕСТДАН СУЮНЧИ” АКЦИЯСИ ҚОИДАЛАРИ**

I. АТАМАЛАР

Ташкилотчи – “Ўзбекинвест” экспорт-импорт суғурта компанияси” акциядорлик компанияси.

Акция – “Ўзбекинвестдан суюнчи” акцияси, ташкилотчининг янги мижозларни жалб этиш ва сақлаб қолишга қаратилган муддатли реклама кампанияси.

Қоидалар – www.insurance.uz веб-сайтида жойлаштирилган ҳужжат ҳисобланиб, жисмоний шахсларнинг акцияда иштирок этиш тартиби ва шартларини белгилайди.

Филиал – ташкилотчининг вилоятлардаги ҳудудий филиаллари.

Веб-сайт – қоидалар матни, қоидаларни актуал ва жорий таҳрири ва бошқа акция ҳақидаги маълумотларни ўз ичига олган, интернет тармоғидаги акция веб-сайти: www.insurance.uz.

Акция иштирокчиси (иштирокчи) – 18 ёшдан ошган, муомалага лаёқатли, акция давомида полис(лар) расмийлаштирган жисмоний шахс ҳисобланади.

Соврин – ушбу қоидаларнинг 1-илоvasида келтирилган совғалар.

II. КИРИШ ҚИСМИ

2.1. Мазкур қоидалар ташкилотчининг акцияси қоидаларининг оммавий офертаси ҳисобланиб, асосий қоидаларни ва тамойилларни ҳамда жисмоний шахсларнинг акцияда иштирок этиш тартиби ва шартларини белгилайди.

2.2. Акция янги мижозларни жалб қилиш ва уларни сақлаб қолишга қаратилган муддатли маркетинг кампанияси ҳисобланади.

2.3. Ушбу қоидалар оммавий оферта ҳисобланиб, www.insurance.uz веб-сайтида жойлаштирилади.

2.4. Жисмоний шахснинг акцияда рўйхатдан ўтиши ва қатнашиши ушбу Қоидалар билан танишганлиги ва унинг акция иштирокчисига айланишига розилигини тасдиқлайди.

2.5. Акция ташкилотчиси ушбу қоидаларга бир томонлама ўзгартириш ва қўшимчалар киритиш ҳуқуқига эга, бу ҳақида иштирокчиларни қоидаларнинг янги таҳририни www.insurance.uz веб-сайтига жойлаштириш орқали хабардор қилади.

2.6. Ташкилотчи, ушбу қоидаларни бузган иштирокчиларни акциядан четлаштиришга ҳақли ҳисобланади.

III. АКЦИЯДА ИШТИРОК ЭТИШ

3.1. Акция иштирокчисига айланиш учун ташкилотчининг insurance.uz сайти ҳамда мобил иловаси орқали қуйидаги суғурта полис(лар)и расмийлаштирилиши лозим:

а) ташкилотчининг www.insurance.uz веб-сайти ҳамда мобил иловаси орқали транспорт воситалари эгаларининг фуқаролик жавобгарлигини мажбурий суғуртасининг бир йил муддатга ҳайдовчилар сони чекланмаган электрон суғурта полис(лар)и;

б) ташкилотчининг www.insurance.uz веб-сайти ҳамда мобил иловаси орқали бахтсиз ҳодисалардан суғурталаш (суғурта мажбурияти камида 20 млн. сўмлик) суғурта

тури электрон полис(лар)и;

с) транспорт воситаларини суғурталаш (КАСКО, кодлари: 040, 041, 044, 045, 163) суғурта турининг исталган дастури бўйича қоғоз суғурта полис(лар)и;

3.2. Акция ўтказиш ҳудуди – Ўзбекистон Республикаси.

3.3. Ташкилотчи ходимлари ҳамда уларнинг яқин қариндошлари акцияда иштирок этишлари тақиқланади.

3.4. Акциянинг амал қилиш муддати – 2022 йил 1 сентябр соат 00-00 дан 2023 йил 28 феврал соат 23-59 гача.

IV. АКЦИЯ СОВРИНЛАРИ ФОНДИ

4.1. Акция ғолибларига қуйидаги совринлар топширилади.

Қўшимча соврин	Ғолиб сони
“Samsung Galaxy A52” смартфон	5

Ўрин	Якуний совринлар	Ғолиб сони
1-ўрин	Chevrolet Lacetti (L-Style AT) енгил автомобили	1
2-ўрин	“iPhone 13 Pro” мобил телефони	2
3-ўрин	Музлатгич	3
4-ўрин	Совутгич	3
5-ўрин	Телевизор	3

4.2. Совринлар бўйича солиқлар ташкилотчи томонидан тўлаб берилади. Совринлар пул кўринишидаги эквивалентга айламаштирилмайди.

V. СОВРИННИ АНИҚЛАШ ВА ОЛИШ

5.1. Акция давомида қўшимча соврин сифатида ҳар ой якуни бўйича жами 5 та “Samsung Galaxy A52” смартфон ўйналади. Ғолиб 2022 йилнинг сентябр, октябр, ноябр, декабр ҳамда 2023 йилнинг январ ойининг якуни бўйича кейинга ойнинг 10 санасигача random.org сайтида генерация орқали аниқланади. Иштирокчилар расмийлаштирилган полис(лар)нинг санасига қараб тегишли ойдаги акция иштирокчиси ёки иштирокчилари ҳисобланишади.

5.2. Қўшимча соврин эгасининг айнан ютуқ чиққан суғурта полиси акциянинг кейинги босқичлари ва якуний босқичда иштирок этмайди.

5.3. Акциянинг якуний ғолиблари 2023 йил март ойининг 2-ярмида аниқланади. Бунда бутун акция давомида расмийлаштирилган суғурта полислари эгалари иштирок этадилар. Якуний ғолиблари барабан айлантириш орқали тўғридан-тўғри эфирда аниқланади.

5.4. Ташкилотчи совриндорнинг фотосуратларидан уларнинг розилигисиз оммавий ахборот воситаларида фойдаланиш, эълон қилиш, улардан интервью олиш ҳуқуқига эга.

5.5. Натижалар ташкилотчининг ижтимоий тармоқлардаги (facebook, instagram, telegram) саҳифаларга 7 кун давомида жойлаштирилади.

5.6. Кўрсатилган саналарда ташкилотчи томонидан уларга 1-иловада кўрсатилган совриндан топширилади. Совринни олган ғолиб билан 2-иловада кўрсатилган далолатнома расмийлаштирилади.

5.7. Ташкилотчи соврин учун техник хизмат кўрсатиш ҳамда кафолат бериш мажбуриятини олмайди.

5.8. Совринни олиш учун иштирокчи ташкилотчига (агар ғолиб вилоятларда аниқланса, у ҳолда ташкилотчининг филиалига) ўзининг шахсини тасдиқловчи ҳужжатини (паспорт, ID карта) тақдим этиши керак.

VI. ТОМОНЛАРНИНГ ЖАВОБГАРЛИГИ

6.1. Акция иштирокчиси акция қоидаларга риоя қилиши шарт. Компания акция қоидаларини бузган иштирокчини совриндан маҳрум қилиш ҳуқуқига эга.

6.2. Ушбу қоидаларнинг кучга кириш санаси, ташкилотчи веб-сайтида нашр этиш санаси ҳисобланади.

6.3. Акцияда иштирок этиш билан боғлиқ ва ушбу қоидаларда назарда тутилмаган низолар даъво тартибида судда ҳал этилади ва Ўзбекистон Республикасининг амалдаги қонунчилигига мувофиқ тартибга солинади.

6.4. Акция доирасида юзага келадиган барча ҳаракатлар ва ҳуқуқий муносабатлар Ўзбекистон Республикаси қонунчилиги билан тартибга солинади. Ҳаракатни амалга ошириш чоғида келиб чиқиши мумкин бўлган низоларни кўриб чиқиш жойи - Ўзбекистон Республикаси, Тошкент шаҳри ҳисобланади.

**«Ўзбекинвестдан суюнчи» акциясида ўйналадиган
совринлар**

Т/р	Соврин номи	Сони, дона
1	«Samsung Galaxy A52» мобил телефони	5
2	Chevrolet Lacetti (L-Style AT) енгил автомобили	1
3	«iPhone 13 Pro» мобил телефони	2
4	Музлатгич	3
5	Совутгич	3
6	Телевизор	3